

Na osnovu člana 54. stav (2) Zakona o sportu ("Službene novine Kantona Sarajevo", broj 45/12 – Prečišćen tekst i 36/21) i članova 2., 4. tačka e), 5. tačka c), 8, 9, 10, 12 i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22), ministar kulture i sporta Kantona Sarajevo donosi

PRAVILNIK

O KRITERIJIMA ZA PODRŠKU FINANSIRANJU JAVNOG INTERESA U SPORTU KANTONA SARAJEVO I – OSNOVNE ODREDBE

Član 1.

(Predmet pravilnika)

- (1) Ovim pravilnikom uređuju se uslovi i kriteriji za podršku finansiranju javnog interesa u sportu Kantona Sarajevo (u daljem tekstu: kriteriji) čiji je cilj da omogućе značajnije povezivanje institucija sporta vladinog i nevladinog sektora i doprinesu uspješnijoj saradnji na svim nivoima.
- (2) Ovim pravilnikom uređuju se uslovi i kriteriji za podršku finansiranju interesa građana Kantona Sarajevo u sportu koji doprinose razvoju i afirmaciji Kantona i provode se na području Kantona, a u izuzetnim slučajevima, koji su od interesa za građane Kantona, da se provode izvan područja Kantona.
- (3) Kriteriji Ministarstva kulture i sporta Kantona Sarajevo (u daljem tekstu: Ministarstvo) predviđeni su da podsticajno i selektivno utiču na razvoj sporta i sportskih dostignuća na području Kantona Sarajevo.

Član 2.

(Upotreba muškog ili ženskog roda)

Izrazi koji su radi preglednosti dati u jednom gramatičkom rodu, u ovom pravilniku, se bez diskriminacije odnose na oba spola.

Član 3.

(Zadovoljenje javnog interesa)

- (1) Predviđena podrška temelji se na zadovoljenju javnog interesa u sportu propisanog Zakonom o sportu Kantona Sarajevo i drugim podzakonskim aktima.
- (2) U tom smislu Javni interes predstavljaju:
 - a) ostvareni vrhunski sportski rezultati potvrđeni na državnom ili međunarodnom nivou, te objektivizirani kriterijima vrednovanja posrednih efekata sporta koji proizilaze iz brojnosti i kvaliteta, ali i sistematske individualne sportske aktivnosti djece, omladine i

odraslih građana u takmičarsko-razvojnem sportu i sportu za sve.

- b) ostvareni nivo i stepen saradnje između organizacija u sportu i Ministarstva u skladu sa propisanim pravilima koji se odnose na provođenje javnog interesa u sportu kao i nadzora nad zakonitošću rada.
- (3) Svi sportisti (djeca, omladina, odrasli, osobe sa invaliditetom, ljudi koji su podložni situaciji društvene segregacije ili marginalizacije) ravnopravni su u sistemu vrednovanja sportskih dostignuća i ostvarivanju posrednih efekata ovim kriterijima. Sportska inkluzija, definisana ovim pravilnikom, omogućuje ljudima i skupinama ljudi koji su podložni situaciji društvene segregacije ili marginalizacije da u potpunosti sudjeluju u sportskom životu, imaju iste mogućnosti u društvu i mogućnosti da se ispune kao pojedinci.
- (4) Podrška organizaciji u sportu, odnosno sportisti, obezbjeđuje se za jedno najveće ostvareno sportsko dostignuće, rezultat, u prethodnoj godini.
- (5) Sredstva podrške se planiraju i usmjeravaju u mogućim izračunatim iznosima za stvarno realizovanje svakog planiranog poduhvata uz odgovornost za efekte realizovanog obima i kvaliteta provedenih akcija – djelatnosti.
- (6) Ministarstvo će u cilju zadovoljenja javnog interesa u sportu podržati i takmičenja timova i sportista koja se nisu mogla predvidjeti u vrijeme objavljivanja javnog poziva, značajne sportske projekte za koje se u slučaju neobezbjeđivanja finansijskih sredstava za njihovo održavanje može opravdano očekivati šteta po javni interes u sportu, sportske manifestacije od značaja za Kanton Sarajevo koje nisu mogle biti planirane na početku godine, kao i druge opravdane zahtjeve koji se nisu mogli predvidjeti u vrijeme objavljivanja javnog poziva. Za tu, eventualnu, namjenu će se utrošiti najviše do 15% budžetom planiranih sredstava.
- (7) Uplata sredstava podrške vrši se u tekućoj godini kroz kontinuirano finansiranje programa i projekata organizacije u sportu.

Član 4.

(Individualni i ekipni sportovi)

- (1) Ovi kriteriji važe za sve sportove.
- (2) Individualni sportovi su:
Aikido, Atletika, Auto-moto, Badminton, Biciklizam, Bob, Bočanje, Bodibilding i fitnes, Boks, Dizanje tegova, Džudo, Điu Đica, Gimnastika, Golf, Hrvanje, Kajak Kanu i Rafting, Karate, Karling, Kik Boks, Klizanje, Konjički sport, Kuglanje, Mačevanje, Misaone igre, Moderni pentatlon, Planinarstvo, Plivanje, Podvodne aktivnosti, Sankanje, Skateboarding i rolanje, Skeleton, Skijanje, Sportski ples, Sportska rekreacija, Sportski ribolov, Stoni tenis, Strelčarstvo, Streljaštvo, Šah, Tekvando, Tenis, Triatlon i Vazduhoplovstvo.
- (3) Individualni paraolimpijski sportovi su:
Atletika, Biciklizam, Bočanje, Dizanje tegova, Džudo, Strelčarstvo, Streljaštvo, Konjički sport, Veslanje, Plivanje, Stoni tenis, Mačevanje u kolicima, Alpsko skijanje, Nordijsko skijanje, Karling u kolicima, Tenis u kolicima.
- (4) Individualni sportovi specijalne olimpijade su:
Alpsko skijanje, Atletika, Badminton, Bočanje, Kuglanje, Nordijsko trčanje, Biciklizam, Konjički sport, Umjetničko klizanje, Golf, Gimnastika, Džudo, Dizanje tegova, Koturanje, Snowboard, Brzo klizanje, Stoni tenis, Tenis, Kajak, Plivanje.
- (5) Individualni sportovi za gluhe i nagluhe osobe su:

- Atletika, Badminton, Kuglanje, Biciklizam, Džudo, Karate, Takmičenje u orijentaciji, Streljaštvo, Plivanje, Stoni tenis, Tekvando, Tenis, Hrvanje, Alpsko skijanje, Nordijsko skijanje, Karling, Snowboard.
- (6) Individualni sportovi za slijepe i slabovidne osobe su: Alpsko skijanje, Atletika, Džudo, Kuglanje, Nordijsko skijanje, Dizanje tegova, Showdown, Plivanje, Tandem biciklizam, Šah, Konjički sport, Golf, Veslanje.
- (7) Ekipni sportovi su: Fudbal, Hokej, Košarka, Odbojka, Ragbi, Rukomet, Vaterpolo.
- (8) Ekipni paraolimpijski sportovi su: Fudbal sa 5 i 7 igrača, Golbal, Sjedeća odbojka, Košarka u kolicima, Hokej na sankama, Ragbi u kolicima.
- (9) Ekipni sportovi specijalne olimpijade su: Košarka, Hokej, Fudbal, Softbal, Rukomet, Odbojka, Kriket, Netbal.
- (10) Ekipni sportovi za gluhe i nagluhe osobe su: Košarka, Odbojka na pijesku, Fudbal, Rukomet, Odbojka, Vaterpolo, Hokej na ledu.
- (11) Ekipni sportovi za slijepe i slabovidne osobe su: Futsal, Golbal, Torbal, Bejzbol, Kriket.

II - CILJEVI PRIMJENE KRITERIJA

Član 5. (Ciljevi)

Ciljevi primjene ovih kriterija su:

- utvrđivanje planirane strukture i politike razvoja sporta na području Kantona na osnovu usaglašene strukture razvoja svih segmenata sporta kako bi se ostvarila njihova razvojna funkcionalna povezanost,
- vrednovanje vrhunskog sportskog stvaralaštva koje samo po sebi treba da predstavlja društvenu vrijednost i na taj način ostvarivanje uslova za samoodrživi razvoj vrhunskog sporta, za kandidovanje i organizovanje atraktivnih međunarodnih sportskih priredbi,
- afirmacija sportskog podmladka,
- obezbjeđivanje opštih uslova za profiliranje sporta kao privredne djelatnosti s obzirom na mogućnosti njegove ekonomske valorizacije i dinamizirajuću ulogu u ukupnom razvoju Kantona Sarajevo.

III – KATEGORIJE SPORTA U KOJIMA SE PODRŽAVA JAVNI INTERES

Član 6. (Kategorije sporta)

- Ovim kriterijima ostvaruje se javni interes kroz materijalnu podršku projekata iz sporta i sportskih priredbi za:
 - vrhunski sport,
 - takmičarsko – razvojni sport,
 - sportski podmladak,
 - sport za sve,
 - sportske priredbe od značaja za Kanton Sarajevo.
- Organizacije u sportu osnovane u periodu od godinu dana prije objavljivanja javnog poziva za sufinansiranje programa i projekata u sportu ne mogu biti kategorisane prema ovome pravilniku.

Član 7. (Kategorije za kriterije)

7.1. Vrhunski sport

- Vrhunski sport je atraktivni segment sporta kojim se podstiče i vrednuje vrhunsko sportsko stvaralaštvo. Vrhunski sportski stvaraoci reprezentuju užu (Kanton Sarajevo) i širu (Bosna i Hercegovina) sredinu afirmišući

se rezultatima na međunarodnom planu, čime se doprinosi ukupnom razvoju sporta Kantona.

- Materijalna podrška predviđena je za učesnike u vrhunskom sportskom stvaralaštvu prema strukturi ostvarenog jednog najvišeg rezultata u provedenom ciklusu takmičenja u prethodnoj godini.

7.2. Takmičarsko razvojni sport

- Takmičarsko-razvojni sport promovira strukturu sporta koji čini društveno kulturni javni interes i izraz kvaliteta sportskog života Kantona, prožiman i nadopunjava pojavnim oblicima društveno-kulturnog i ekonomskog djelovanja i razvoja Kantona Sarajevo, zbog čega je i uvršten u kriterije.
- Materijalna podrška predviđena je za učesnike u takmičarsko-razvojnem sportu prema strukturi ostvarenog jednog najvišeg rezultata u provedenom ciklusu takmičenja u prethodnoj godini.

7.3. Sportski podmladak

- Obzirom da se razvoj sporta Kantona Sarajevo temelji i na pravima djeteta na razvoj, stvaralaštvo i samopotvrđivanje, obezbjeđuje se pokrivanje dijela troškova pri organizovanju i provođenju ligaškog sistema takmičenja pionira, kadeta i juniora na svim nivoima, kao i pokrivanje dijela troškova nastupa na međunarodnim turnirima ekipama i sportistima juniorima, kadetima i pionirima.

- Materijalna podrška predviđena je za učesnike u sportskom podmlatku prema strukturi ostvarenog jednog najvišeg rezultata u provedenom ciklusu takmičenja u prethodnoj godini.

7.4. Osnovne kategorije za kriterije

Osnovne kategorije za kriterije utvrđivanje visine finansijskih sredstava su:

- Status sporta na nacionalnom i međunarodnom planu:
 - Pripadnost sportske grane olimpijskom i paraolimpijskom programu
 - Vrednovanje šireg društvenog značaja određene sportske grane, odnosno kluba i sportiste:

B.1.	Tradicija sportskog kluba
B.2.	Broj prijavljenih aktivnih članova sportskog kluba registrovanih kod matičnog strukovnog saveza u tekućoj takmičarskoj sezoni
B.3.	Razvijenost sporta – Organizovanost sistema takmičenja – Rang takmičenja u tekućoj takmičarskoj sezoni
B.4.	Broj reprezentativaca Bosne i Hercegovine u tekućoj takmičarskoj sezoni

- Ostvareni rezultat:

- Vrednovanje ostvarenog rezultata u prethodnoj ili tekućoj takmičarskoj sezoni

7.5. Kriteriji kategorizacije

Kategorizacijom se određuje broj bodova za svaki kriterijum, osim za pripadnost sportske grane olimpijskom ili paraolimpijskom programu koji se definiše koeficijentom.

7.5.A. Status sporta po nacionalnom i međunarodnom planu

7.5.A.1. Pripadnost sportske grane olimpijskom i paraolimpijskom programu

Kriterij	Koeficijent
Olimpijski i paraolimpijski ljetni program	1,0
Olimpijski i paraolimpijski zimski program	1,0
Šah	1,0
Neolimpijski i neparaolimpijski program	0,5

7.5.B. Vrednovanje šireg društvenog značaja određene sportske grane, odnosno kluba i sportiste

7.5.B.1. Tradicija sportskog kluba

Kriterij	Koeficijent
Klub osnovan prije 50 godina i više	1,0
Klub osnovan prije 25 godina do 50 godina	0,8

Klub osnovan prije 10 godina do 25 godina	0,6
Klub osnovan prije 5 godina do 10 godina	0,4
Klub osnovan prije 1 godine do 5 godina	0,2

7.5.B.2. Broj prijavljenih aktivnih članova sportskog kluba registrovanog kod matičnog strukovnog saveza u tekućoj takmičarskoj sezoni

Kriterij	Broj bodova
I – 100 članova	10
101 – 200 članova	20
preko 200 članova	40

7.5.B.3. Razvijenost sporta-organizovanost sistema takmičenja - Rang takmičenja u tekućoj takmičarskoj sezoni

(1) U ekipnim sportovima postoje slijedeći nivoi (rangovi) takmičenja:

- I. Općinska liga
- II. Kantonalna liga
- III. II liga
- IV. I liga – Federalna liga
- V. Nacionalna liga najvišeg ranta (Super liga, Premijer liga, "A" liga.....")

*Napomena: U ekipnim sportovima gdje nema "Super lig" "Premijer" lige i "A-lige", kao najviši rang se priznaje I liga Bosne i Hercegovine

(2) U individualnim sportovima postoje slijedeći nivoi (rangovi) takmičenja:

- I. Kantonalno prvenstvo
- II. Federalno prvenstvo
- III. Državno prvenstvo

Uzrast	Okvimo godina	Ostali nazivi koji se koriste
Seniorni	20 i više godina	-
Juniori	(18) 18 – 20	mladi seniorni, nade
Kadeti	(16) 16 – 17	mladi juniori
Pioniri	do 14 (15)	mladi pioniri, poltarci

Ekipni sportovi	Seniorni	Juniori	Kadeti	Pioniri	Individualni sportovi	Seniorni	Juniori	Kadeti	Pioniri
V nivo	35,0	40,0	45,0	50,0	III nivo	35,0	40,0	45,0	50,0
IV nivo	25,0	30,0	35,0	40,0	II nivo	25,0	30,0	35,0	40,0
III nivo	15,0	20,0	25,0	30,0	I nivo	5,0	10,0	15,0	20,0
II nivo	5,0	10,0	15,0	20,0					
I nivo	1,0	3,0	5,0	10,0					

(3) U slučaju da u ekipnom sportu ima samo četiri nivoa takmičenja, maksimalan broj bodova se umanjuje za 10%, ako ima tri nivoa, za narednih 10% i td.. U individualnim sportovima, ako postoji samo dva nivoa takmičenja, broj bodova se umanjuje za 20%, a ako ima samo jedan nivo takmičenja, broj bodova se umanjuje za 40% od maksimalnog broja bodova.

(4) Boduju se posebno muške, a posebno ženske ekipe. Uzima se najveći broj bodova samo za najbolji rezultat neke ekipe za ukupno bodovanje.

7.5.B.4. Broj reprezentativaca Bosne i Hercegovine u tekućoj takmičarskoj sezoni

Uzrast	Broj bodova
Pioniri	2
Kadeti	4
Juniori	6
Seniorni	8

Bodovi se množe sa brojem reprezentativaca.

7.5.C. Ostvareni rezultati

7.5.C.1 Vrednovanje ostvarenog rezultata u prethodnoj ili tekućoj takmičarskoj sezoni

(1) Olimpijski i paraolimpijski sportovi

Podtačka	Kriterijum	Broj bodova
1)	sportisti u individualnim sportovima koji su osvojili zlatnu medalju na olimpijskim igrama ili paraolimpijskim igrama ili	800

	svjetskom prvenstvu	
2)	sportisti u individualnim sportovima koji su osvojili srebrnu medalju na olimpijskim igrama ili paraolimpijskim igrama ili svjetskom prvenstvu	400
3)	sportisti u individualnim sportovima koji su osvojili brončanu medalju na olimpijskim igrama ili paraolimpijskim igrama ili svjetskom prvenstvu	200
4)	sportisti u ekipnim sportovima koji su osvojili zlatnu medalju na olimpijskim igrama ili paraolimpijskim igrama ili svjetskom prvenstvu	600
5)	sportisti u ekipnim sportovima koji su osvojili srebrnu medalju na olimpijskim igrama ili paraolimpijskim igrama ili svjetskom prvenstvu	300
6)	sportisti u ekipnim sportovima koji su osvojili brončanu medalju na olimpijskim igrama ili paraolimpijskim igrama ili svjetskom prvenstvu	150
7)	sportisti u individualnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	400
8)	sportisti u individualnim sportovima koji su osvojili srebrnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	200
9)	sportisti u individualnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	100
10)	sportisti u ekipnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	300
11)	sportisti u ekipnim sportovima koji su osvojili srebrnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	150
12)	sportisti u ekipnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	75
13)	sportisti koji su i na drugim zvaničnim takmičenjima priznatim od matične federacije postavili olimpijski, svjetski ili evropski rekord	300
14)	sportisti u individualnim sportovima ili sportisti u ekipnim sportovima koji su ispunili "A" normu za učešće na Olimpijskim igrama	100
15)	sportisti u individualnim sportovima ili sportisti u ekipnim sportovima koji su ispunili normu za učešće na Paraolimpijskim igrama	
16)	sportisti u individualnim sportovima koji su osvojili zlatnu medalju na Mediteranskim igrama ili Univerzijadi	150
17)	sportisti u individualnim sportovima koji su osvojili srebrnu medalju na Mediteranskim igrama ili Univerzijadi	75
18)	sportisti u individualnim sportovima koji su osvojili brončanu medalju na Mediteranskim igrama ili Univerzijadi	38
19)	sportisti u ekipnim sportovima koji su osvojili zlatnu medalju na Mediteranskim igrama ili Univerzijadi	112
20)	sportisti u ekipnim sportovima koji su osvojili srebrnu medalju na Mediteranskim igrama ili Univerzijadi	56
21)	sportisti u ekipnim sportovima koji su osvojili brončanu medalju na Mediteranskim igrama ili Univerzijadi	28
22)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili jednu od medalja na Olimpijadi mladih ili juniorskom, kadetskom i pionirskom svjetskom ili evropskom prvenstvu	150
23)	sportisti juniori, kadeti i pioniri koji su i na drugom zvaničnom takmičenju priznatom od matične federacije postavili juniorski, kadetski i pionirski svjetski ili evropski rekord	150
24)	sportisti u individualnim sportovima koji su osvojili prvo mjesto na seniorskom državnom prvenstvu Bosne i Hercegovine	64

25)	sportisti u individualnim sportovima koji su osvojili zlatnu medalju na prvenstvu Balkana	
26)	sportisti u individualnim sportovima koji su osvojili drugo mjesto na seniorskom državnom prvenstvu Bosne i Hercegovine	32
27)	sportisti u individualnim sportovima koji su osvojili srebrnu medalju na prvenstvu Balkana	
28)	sportisti u individualnim sportovima koji su osvojili treće mjesto na seniorskom državnom prvenstvu Bosne i Hercegovine	16
29)	sportisti u individualnim sportovima koji su osvojili brončanu medalju na prvenstvu Balkana	
30)	sportisti u ekipnim sportovima koji su osvojili prvo mjesto na seniorskom prvenstvu Bosne i Hercegovine	48
31)	sportisti u ekipnim sportovima koji su osvojili zlatnu medalju na prvenstvu Balkana	
32)	sportisti u ekipnim sportovima koji su osvojili drugo mjesto na seniorskom prvenstvu Bosne i Hercegovine	24
33)	sportisti u ekipnim sportovima koji su osvojili srebrnu medalju na prvenstvu Balkana	
34)	sportisti u ekipnim sportovima koji su osvojili treće mjesto na seniorskom prvenstvu Bosne i Hercegovine	12
35)	sportisti u ekipnim sportovima koji su osvojili brončanu medalju na prvenstvu Balkana	
36)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili prvo mjesto na juniorskom, kadetskom i pionirskom prvenstvu Bosne i Hercegovine ili Balkana	48
37)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili drugo mjesto na juniorskom, kadetskom i pionirskom prvenstvu Bosne i Hercegovine ili Balkana	24
38)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili treće mjesto na juniorskom, kadetskom i pionirskom prvenstvu Bosne i Hercegovine ili Balkana	12
39)	sportisti u individualnim sportovima koji učestvuju u seniorskom državnom prvenstvu	10
40)	sportisti u individualnim sportovima koji učestvuju u seniorskom federalnom prvenstvu	8
41)	sportisti u individualnim sportovima koji učestvuju u seniorskom kantonalnom prvenstvu	4
42)	sportisti u ekipnim sportovima koji učestvuju u nacionalnoj ligi najvišeg ranga (Super liga, Premijer liga, "A" liga.....)	10
43)	sportisti u ekipnim sportovima koji učestvuju u T-oj ligi Federalnoj ligi	8
44)	sportisti u ekipnim sportovima koji učestvuju u II-oj ligi	6
45)	sportisti u ekipnim sportovima koji učestvuju u kantonalnoj ligi	4
46)	sportisti u ekipnim sportovima koji učestvuju u općinskoj ligi	2

(2) Neolimpijski sportovi

Podtačka	Kriterijum	Broj bodova
1)	sportisti u individualnim sportovima koji su osvojili zlatnu medalju na svjetskom prvenstvu	400
2)	sportisti u individualnim sportovima koji su osvojili srebrnu medalju na svjetskom prvenstvu	200
3)	sportisti u individualnim sportovima koji su osvojili brončanu medalju na svjetskom prvenstvu	100
4)	sportisti u ekipnim sportovima koji su osvojili zlatnu medalju na svjetskom prvenstvu	300
5)	sportisti u ekipnim sportovima koji su osvojili srebrnu medalju na svjetskom prvenstvu	150
6)	sportisti u ekipnim sportovima koji su osvojili brončanu medalju na svjetskom prvenstvu	75
7)	sportisti u individualnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	200
8)	sportisti u individualnim sportovima koji su osvojili srebrnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	100
9)	sportisti u individualnim sportovima koji su osvojili brončanu	50

10)	sportisti u ekipnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	150
11)	sportisti u ekipnim sportovima koji su osvojili srebrnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	75
12)	sportisti u ekipnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	38
13)	sportisti koji su i na drugim zvaničnim takmičenjima priznatim od matične federacije svjetski ili evropski record	150
14)	sportisti u individualnim sportovima koji su osvojili zlatnu medalju na Univerzijadi	75
15)	sportisti u individualnim sportovima koji su osvojili srebrnu medalju na Univerzijadi	38
16)	sportisti u individualnim sportovima koji su osvojili brončanu medalju na Univerzijadi	20
17)	sportisti u ekipnim sportovima koji su osvojili zlatnu medalju na Univerzijadi	56
18)	sportisti u ekipnim sportovima koji su osvojili srebrnu medalju na Univerzijadi	28
19)	sportisti u ekipnim sportovima koji su osvojili brončanu medalju na Univerzijadi	14
20)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili jednu od medalja na juniorskom, kadetskom i pionirskom svjetskom ili evropskom prvenstvu	75
21)	sportisti juniori, kadeti i pioniri koji su i na drugom zvaničnom takmičenju priznatom od matične federacije postavili juniorski, kadetski i pionirski svjetski ili evropski rekord	75
22)	sportisti u individualnim sportovima koji su osvojili prvo mjesto na seniorskom državnom prvenstvu Bosne i Hercegovine	32
23)	sportisti u individualnim sportovima koji su osvojili zlatnu medalju na prvenstvu Balkana	
24)	sportisti u individualnim sportovima koji su osvojili drugo mjesto na seniorskom državnom prvenstvu Bosne i Hercegovine	16
25)	sportisti u individualnim sportovima koji su osvojili srebrnu medalju na prvenstvu Balkana	
26)	sportisti u individualnim sportovima koji su osvojili treće mjesto na seniorskom državnom prvenstvu Bosne i Hercegovine	8
27)	sportisti u individualnim sportovima koji su osvojili brončanu medalju na prvenstvu Balkana	
28)	sportisti u ekipnim sportovima koji su osvojili prvo mjesto na seniorskom prvenstvu Bosne i Hercegovine	24
29)	sportisti u ekipnim sportovima koji su osvojili zlatnu medalju na prvenstvu Balkana	
30)	sportisti u ekipnim sportovima koji su osvojili drugo mjesto na seniorskom prvenstvu Bosne i Hercegovine	12
31)	sportisti u ekipnim sportovima koji su osvojili srebrnu medalju na prvenstvu Balkana	
32)	sportisti u ekipnim sportovima koji su osvojili treće mjesto na seniorskom prvenstvu Bosne i Hercegovine	6
33)	sportisti u ekipnim sportovima koji su osvojili brončanu medalju na prvenstvu Balkana	
34)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili prvo mjesto na juniorskom, kadetskom i pionirskom prvenstvu Bosne i Hercegovine ili Balkana	24
35)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili drugo mjesto na juniorskom, kadetskom i pionirskom prvenstvu Bosne i Hercegovine ili Balkana	12
36)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili treće mjesto na juniorskom, kadetskom i pionirskom prvenstvu Bosne i Hercegovine ili Balkana	6

37)	sportisti u individualnim sportovima koji učestvuju u seniorskom državnom prvenstvu	5
38)	sportisti u individualnim sportovima koji učestvuju u seniorskom federalnom prvenstvu	4
39)	sportisti u individualnim sportovima koji učestvuju u seniorskom kantonalnom prvenstvu	2
40)	sportisti u ekipnim sportovima koji učestvuju u nacionalnoj ligi najvišeg ranga (Super liga, Premijer liga, "A" liga"....)	5
41)	sportisti u ekipnim sportovima koji učestvuju u I-oj ligi Federalnoj ligi	4
42)	sportisti u ekipnim sportovima koji učestvuju u II-oj ligi	3
43)	sportisti u ekipnim sportovima koji učestvuju u kantonalnoj ligi	2
44)	sportisti u ekipnim sportovima koji učestvuju u općinskoj ligi	1

- (3) Sportisti u individualnim sportovima i sportisti u ekipnim sportovima koji učestvuju u određenom nivou (rang) takmičenja, definisanim članom 6.5.B.3. (Razvijenost sporta – organizovanost sistema takmičenja Rang takmičenja) se boduju brojem bodova definisanim u članu 6.5.C.1. (Vrednovanje ostvarenog rezultata) pomnoženim sa ukupnim brojem sportista koji se zvanično registruju u zapisnik za takmičenje po zvaničnim pravilima sporta.

7.5.1. Zbirna tabela

- (1) Bodovi prema kriterijima grupe B.2., B.3. i B.4. se sabiraju i množe koeficijentom B.1.. Suma se množi sa koeficijentom A.1.. Ta suma bodova se sabire sa bodovima C.1. i time se dobija sveukupna suma bodova u tekućoj godini za podnosioca prijave projekta iz sporta za finansiranje/sufinansiranje/ iz budžeta Kantona Sarajevo.

$$(A.1. \times (B.1. \times (B.2.+B.3.+B.4.))) + C.1. = \dots$$

- (2) To se izražava kroz predstavljenu tabelu.

Organizacija u sportu	A.1.	B.1.	B.2.	B.3.	B.4.	C.1.	Ukupno bodova

Član 8.

(Sport za sve)

- (1) Obzirom na pravo čovjeka da zadovolji vlastite potrebe za razvojem, stvaralaštvom, samopotvrđivanjem i drugim civilizacijskim i kulturnim vrijednostima kojima se bogati i osvaja kvalitet života, predviđena je podrška i za kategoriju sportista koji pripadaju "Sportu za sve" - sportu svakom građaninu.

- (2) U okvirima "Sporta za sve" uz zadovoljenje prethodnog predviđa se:

- podrška organizacije i provođenja masovnih sportskih manifestacija djece, omladine i odraslih za koje je iskazan interes,
- obezbjedenje preduslova za vrednovanje njihovih sportskih dostignuća i aktuelnog nivoa psihofizičkih sposobnosti.

- (3) Svrha podrške je motivacija na provođenje cjelogodišnje sistematske individualne sportske aktivnosti građana kojom se podiže kvalitet življenja, doprinosi jačanju zdravlja, samoaktualizaciji, samorazvoju i samospoznaji.

Član 9.

(Sportske priredbe od značaja za Kanton Sarajevo)

- Kriteriji za izbor sportskih priredbi koje su od značaja za Kanton Sarajevo i za dodjelu sredstva za sufinansiranje istih su:

- status sportske priredbe, nacionalna ili međunarodna,
- dugogodišnji kontinuitet održavanja sportske priredbe,
- tradicija sportske priredbe koja doprinosi popularizaciji sporta u Kantonu Sarajevo,
- doprinos sportske priredbe za uvažavanje ravnopravnosti spolova u Kantonu Sarajevo,
- doprinos sportske priredbe za razvoja sporta u Kantonu Sarajevo,
- doprinos sportske priredbe za podizanje kvaliteta sporta u Kantonu Sarajevo,

- doprinos sportske priredbe za postizanje vrhunskog sportskog rezultata u Kantonu Sarajevo,
- broj takmičara koji učestvuju na sportskoj priredbi,
- doprinos sportske priredbe za ugled Kantona Sarajevo.

IV – PRELAZNE I ZAVRŠNE ODREDBE

Član 10.

(Potrebna dokumentacija za projekte iz sporta za klubove, sportska društva i udruženja sportskih klubova – sportske saveze)

Podnosioci prijave za projekte iz sporta za klubove, sportska društva i udruženja sportskih klubova – sportske saveze za finansiranje/sufinansiranje iz budžeta Kantona Sarajevo obavezni su Ministarstvu dostaviti potrebnu dokumentaciju radi realizacije ovih kriterija i to:

- Popunjen "Obrazac Ministarstva kulture i sporta Kantona Sarajevo za prijavu Projekta iz sporta za klubove, sportska društva i udruženja sportskih klubova – sportske saveze za sufinansiranje iz budžeta Kantona Sarajevo".

- Potpisana "Izjava odgovornog lica podnosioca prijave" i ovjerena kod nadležne općinske službe,

- Potpisana "Izjava da se protiv odgovornog lica podnosioca prijave ne vodi krivični postupak i da nije pravosnažno osuđen za prekršaj i/ili počinjene krivičnog djela i/ili privredni prestup" i ovjerena kod nadležne općinske službe,

- Rješenje o registraciji – ne starije od šest (6) šest mjeseci od dana objave javnog poziva (izvadak iz registra udruženja).

- Uvjerenje o poreskoj registraciji – identifikacioni broj za pravno lice i potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva),

- Potvrdu Sportskog saveza Kantona Sarajevo o upisu u matičnu evidenciju sportskih organizacija,

- Obrazloženje projekta koji se kandiduje za dodjelu sredstava sa detaljnom specifikacijom troškova,

- Program rada za tekuću godinu sa obrazloženjem,

- Finansijski plan za tekuću godinu,

- Uvjerenje o izmirenim poreskim obavezama,

- Uvjerenje o izmirenim porezima i doprinosima za zaposlenike (ukoliko ima zaposlenika). Pravno lice koje nema uposlenih i neizmirenih obaveza treba dostaviti ovjerenu izjavu kod nadležne općinske službe da nema uposlenih i neizmirenih obaveza kojom to potvrđuje,

- Tekstualni i finansijski izvještaj o utrošku sredstava za projekte odobrene u prethodnoj godini,

- Zapisnik sa sjednice nadležnog tijela (Skupština, Upravni odbor) na kojoj je usvojen Izvještaj o radu sa finansijskim izvještajem za prethodnu godinu,

- Bilans stanja i bilans uspjeha za prethodnu godinu sa vidljivim pečatom Finansijsko/Financijsko Informatičke Agencije. Za podnosioca prijave koji je registrovan u prethodnoj godini potvrda da nije bilo promjena na računima sa pečatom Finansijsko/Financijsko Informatičke Agencije,

Član 11.

(Potrebna dokumentacija za obrazac za projekte iz sporta za klubove, sportska društva i udruženja sportskih klubova – sportske saveze)

Podnosioci prijave za projekta iz sporta za klubove, sportska društva i udruženja sportskih klubova – sportske saveze za finansiranje/sufinansiranje iz budžeta Kantona Sarajevo obavezni su Ministarstvu dostaviti potrebnu dokumentaciju kojom će dokazati tačnost podataka navedenih u popunjenom "Obrascu Ministarstva kulture i sporta Kantona Sarajevo za prijavu projekta iz sporta za finansiranje/sufinansiranje/ iz budžeta Kantona Sarajevo" iz člana 10. stav 1., radi realizacije ovih kriterija i to:

1. Tradicija sportskog kluba
- uvjerenje – dokaz o registraciji izdat od strane nadležnog organa

2. Broj prijavljenih aktivnih članova sportskog kluba registrovanih kod matičnog strukovnog saveza u tekućoj takmičarskoj sezoni:

• zvaničan dopis iz matičnog strukovnog saveza, ime i prezime i uzrasna kategorija

3.1. Razvijenost sporta – organizovanost sistema takmičenja (Rang takmičenja-ekipni sportovi):

- zvaničan dopis iz matičnog strukovnog saveza u kojem je naznačeno u kojem rangu takmičenja nastupa podnosilac prijave u tekućoj takmičarskoj sezoni

- zvaničan dopis iz matičnog strukovnog saveza u kojem je naznačeno u koliko nivoa (rangova) takmičenja se održavaju prvenstva u strukovnom sportu u Bosni i Hercegovini u tekućoj takmičarskoj sezoni

3.2. Razvijenost sporta – organizovanost sistema takmičenja (Rang takmičenja-individualni sportovi):

- zvaničan dopis iz matičnog strukovnog saveza u kojem je naznačeno u kojem rangu takmičenja nastupa podnosilac prijave u tekućoj takmičarskoj sezoni

- zvaničan dopis iz matičnog strukovnog saveza u kojem je naznačeno u koliko nivoa (rangova) takmičenja se održavaju prvenstva u strukovnom sportu u Bosni i Hercegovini u tekućoj takmičarskoj sezoni

4. Broj reprezentativaca Bosne i Hercegovine u tekućoj takmičarskoj sezoni:

- zvaničan dopis iz matičnog strukovnog saveza, ime i prezime i uzrasna kategorija

5. Ostvareno sportsko dostignuće – najbolji ostvareni plasman u prethodnoj ili tekućoj takmičarskoj sezoni:

- zvanična potvrda iz matičnog strukovnog saveza

Član 12.

(Potrebna dokumentacija za prijavu za projekte iz sporta za nadarenu djecu i omladinu iz sporta)

Podnosioci prijave za projekte iz sporta za nadarenu djecu i omladinu iz sporta za finansiranje/sufinansiranje iz budžeta Kantona Sarajevo obavezni su Ministarstvu dostaviti potrebnu dokumentaciju radi realizacije ovih kriterija i to:

1. Popunjen "Obrazac Ministarstva kulture i sporta Kantona Sarajevo za prijavu Projekta iz sporta za nadarenu djecu i omladinu iz oblasti sporta za sufinansiranje iz budžeta Kantona Sarajevo",
2. Potpisana "Izjava roditelja/staratelja podnosioca prijave" i ovjerena kod nadležne općinske službe,
3. Potpisana "Izjava da se protiv roditelja/staratelja podnosioca prijave ne vodi krivični postupak i da nije pravosnažno osuđen za prekršaj i/ili počinjene krivičnog djela i/ili privredni prestup" i ovjerena kod nadležne općinske službe,
4. Uvjerenje o državljanstvu Bosne i Hercegovine za podnosioca prijave,
5. Potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva,
6. Obrazloženje projekta koji se kandiduje za dodjelu sredstava sa detaljnom specifikacijom troškova,
7. Tekstualni i finansijski izvještaj o utrošku sredstava za projekat iz sporta odobren u prethodnoj godini.

8. Reprezentativac Reprezentacije Bosne i Hercegovine u prethodnoj ili tekućoj takmičarskoj sezoni (dostaviti zvaničnu potvrdu strukovnog saveza (registrovanog na nivou države) da je podnosilac prijave reprezentativac, od kada i broj zabilježenih nastupa za nacionalnu selekciju u toku prethodne i/ili tekuće takmičarske sezone. Priložiti dokumentaciju o nastupu za Reprezentaciju Bosne i Hercegovine (zvanični zapisnik s održanog takmičenja sa spisikom reprezentativaca i sl..))

9. Rezultati i uspjesi na kantonalnom, federalnom, državnom i međunarodnom nivou (najbolji ostvareni rezultat u prethodnoj ili tekućoj takmičarskoj sezoni) (dostaviti zvaničnu potvrdu iz matičnog strukovnog saveza).

Član 13.

(Potrebna dokumentacija za projekte iz sporta za druga pravna lica sa projektom iz sporta)

Podnosioci prijave za projekte iz sporta za druga pravna lica sa projektom iz sporta za finansiranje/sufinansiranje iz budžeta Kantona Sarajevo obavezni su Ministarstvu dostaviti potrebnu dokumentaciju radi realizacije ovih kriterija i to:

1. Popunjen "Obrazac Ministarstva kulture i sporta Kantona Sarajevo za prijavu Projekta iz sporta za druga pravna lica sa projektom iz sporta za sufinansiranje iz budžeta Kantona Sarajevo",
2. Potpisana "Izjava odgovornog lica podnosioca prijave" i ovjerena kod nadležne općinske službe,
3. Potpisana "Izjava da se protiv odgovornog lica podnosioca prijave ne vodi krivični postupak i da nije pravosnažno osuđen za prekršaj i/ili počinjene krivičnog djela i/ili privredni prestup" i ovjerena kod nadležne općinske službe,
4. Rješenje o registraciji – ne starije od šest (6) šest mjeseci od dana objave javnog poziva (izvadak iz registra udruženja),
5. Uvjerenje o poreskoj registraciji – identifikacioni broj za pravno lice i potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva),
6. Obrazloženje projekta koji se kandiduje za dodjelu sredstava sa detaljnom specifikacijom troškova,
7. Program rada za tekuću godinu sa obrazloženjem,
8. Finansijski plan za tekuću godinu,
9. Uvjerenje o izmirenim poreskim obavezama,
10. Uvjerenje o izmirenim porezima i doprinosima za zaposlenike (ukoliko ima zaposlenika). Pravno lice koje nema uposlenih i neizmirenih obaveza treba dostaviti ovjerenu izjavu kod nadležne općinske službe da nema uposlenih i neizmirenih obaveza kojom to potvrđuje,
11. Tekstualni i finansijski izvještaj o utrošku sredstava za projekat iz sporta odobren u prethodnoj godini,
12. Zapisnik sa sjednice nadležnog tijela (Skupština, Upravni odbor) na kojoj je usvojen Izvještaj o radu sa finansijskim izvještajem za prethodnu godinu,
13. Bilans stanja i bilans uspjeha za prethodnu godinu sa vidljivim pečatom Finansijsko/Financijsko Informatičke Agencije. Za podnosioca prijave koji je registrovan u prethodnoj godini potvrda da nije bilo promjena na računima sa pečatom Finansijsko/Financijsko Informatičke Agencije.

Član 14.

(Potrebna dokumentacija za sportske priredbe za klubove, sportska društva, udruženja sportskih klubova – sportske saveze i druga pravna lica sa projektom iz sporta

Podnosioci prijave za sportske priredbe za klubove, sportska društva, udruženja sportskih klubova – sportske saveze i druga pravna lica sa projektom iz sporta za finansiranje/sufinansiranje iz budžeta Kantona Sarajevo obavezni su Ministarstvu dostaviti potrebnu dokumentaciju radi realizacije ovih kriterija i to:

1. Popunjen "Obrazac Ministarstva kulture i sporta Kantona Sarajevo za prijavu Sportske priredbe za klubove, sportska društva, udruženja sportskih klubova – sportske saveze i druga pravna lica sa projektom iz sporta za sufinansiranje iz budžeta Kantona Sarajevo",
2. Potpisana "Izjava odgovornog lica podnosioca prijave" i ovjerena kod nadležne općinske službe,
3. Potpisana "Izjava da se protiv odgovornog lica podnosioca prijave ne vodi krivični postupak i da nije pravosnažno osuđen za prekršaj i/ili počinjene krivičnog djela i/ili privredni prestup" i ovjerena kod nadležne općinske službe,
4. Rješenje o registraciji – ne starije od šest (6) šest mjeseci od dana objave javnog poziva (izvadak iz registra udruženja),
5. Uvjerjenje o poreskoj registraciji – identifikacioni broj za pravno lice i potvrda poslovne banke da račun nije blokirao iz koje se vidi broj transakcijskog računa - ne starija od tri (3) mjeseca od dana objave javnog poziva),
6. Obrazloženje sportske priredbe koja se kandiduje za dodjelu sredstava sa detaljnom specifikacijom troškova,
7. Program rada za tekuću godinu sa obrazloženjem,
8. Finansijski plan za tekuću godinu,
9. Uvjerjenje o izmirenim poreskim obavezama,
10. Uvjerjenje o izmirenim porezima i doprinosima za zaposlenike (ukoliko ima zaposlenika). Pravno lice koje nema uposlenih i neizmirenih obaveza treba dostaviti ovjerenu izjavu kod nadležne općinske službe da nema uposlenih i neizmirenih obaveza kojom to potvrđuje,
11. Tekstualni i finansijski izvještaj o utrošku sredstava za sportsku priredbu odobrenu u prethodnoj godini,
12. Zapisnik sa sjednice nadležnog tijela (Skupština, Upravni odbor) na kojoj je usvojen Izvještaj o radu sa finansijskim izvještajem za prethodnu godinu,
13. Bilans stanja i bilans uspjeha za prethodnu godinu sa vidljivim pečatom Finansijsko/Financijsko Informatičke Agencije. Za podnosioca prijave koji je registrovan u prethodnoj godini potvrda da nije bilo promjena na računu sa pečatom Finansijsko/Financijsko Informatičke Agencije.

Član 15.

(Usklađivanje pravilnika)

U slučaju da se na nivou države Bosne i Hercegovine ili Federacije Bosne i Hercegovine donesu kriteriji za podršku finansiranju javnog interesa u sportu, ovaj Pravilnik će biti usklađen sa njihovim odredbama.

Član 16.

(Prestanak važenja prethodnog Pravilnika)

Stupanjem na snagu ovoga Pravilnika prestaje da važi Pravilnik o kriterijima za podršku finansiranju javnog interesa u

sportu Kantona Sarajevo ("Službene novine Kantona Sarajevo" broj 8/22).

Član 17.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 12-02-7236/23
20. marta 2023. godine
Sarajevo

Ministar
Samir Avdić, s. r.